



Յ. ՅՈՎՀԱՆՆԻՍԵԱՆ

ՓՐԿՈՒԹԵԱՆ ԽԱՉԸ

Սիրտս վշտահար, մոլորուած մտքով,
Նայում եմ առաջ, դիտում եմ հեռուն,
Եւ հարցնում եմ՝ վհատած հոգով,
Թէ ուր պիտ հասնի մեր նաւն երեւուն:

Ալեծովի ծովին դարձած խաղալիք
Եւ խաւարի մէջ կորցրած ուղին,
Առաջ ենք գնում՝ վաստակած, լոկկ,
Անգոր հպատակ մեր ճակատագրին:

Եւ տեսնում եմ ես, ամէնքս խոնարհ,
Մի յուսով միայն չենք ընկճում ցայսօր.
Այդ մեր փրկութեան խաչն է յուսավառ,
Մեր յաւէտ անշէջ փարոս դարաւոր:

Սևաթուր երկնից մռայլ երեսին.
Փայլել է նա միշտ իբր յուսոյ մի շող—
Սիւն կենդանութեան, Մայր Էջմիածին,
Տարագիր հօտի արթուն ժողովող:

(«Արարատ», 1896, մայիս, էջ 227)

ԽԱՉԻ ՆԵՐՔՈՅ

Գիշերուան այս սև, ամռելի խաւար,
Չվհատեցնէ թող քեզ, իմ եղբայր.
Վառ ատտաքեր օրուայ է նշան:
Այդ արշալուսի ընկերն անբաժան:

Չե՛ս տեսել, ինչպէս մռայլ փոթորկին
Յաջորդում է միշտ լուսագեղ երկին,
Եւ քաղցր ժպտով արևը պայծառ
Գգում է կրկին սար, դաշտ ու անտառ...

Խաչիդ տակ ճնշուած դարձեալ դու յուսա—
Փրկութեան քո ժամն անշուշտ պիտի գայ.
Արեամբ ներկուեցաւ առաջ Գողգոթան,
Ապա թէ ծագեց սուրբ օրն յարութեան:

(«Արարատ», 1896, սեպտեմբեր, էջ 405)

Մ Ա Յ Ր Ս

Հոգեմաշ ցառով ամենայն գիշեր
 Եւ քուն եմ մտնում արտասուքն աչքիս,
 Եւ խոտն երամով տանջող պատկերներ
 Ծուռ պաշարում են տառապեալ հոգիս...
 Մենակ ապրեցայ կարօտ գգուանքի,
 Փորձով եւ ուսաց խորհուրդը կեանքի,
 Օրըս սեւացաւ այրող կրքերից,
 Չբզրտայ երբեք մի սիրտ կարեկից:

Եւ քուն եմ մտնում ամենայն գիշեր
 Արտասուքն աչքիս, հոգեմաշ ցառով—
 Հանգիստ չեն տալիս սեւ սեւ պատկերներ,
 Որ պաշարում են ինձ խոտն երամով...
 Եւ ահա դու ես որ ինձ այդ պահուն
 Երեւում ես, մա՛յր, պսակով զարդարուն.
 Դու գրկում ես ինձ սիրով կաթոգին,
 Գոչում ես՝ «որդի՛» ձայնով անմեկին:

Եւ տեսնում եմ ես քո փշեայ պըսակ,
 Խոցելով ծածկուած քո սիրուն ճակատ,
 Եւ մի թափանցիկ նուրբ շղարշի տակ՝
 Կուրծքիցդ հոսող արիւնը կաթ կաթ:
 Աչքդ աղերսալիւ տեսնում եմ վերաս,
 Կանչում եմ քեզ «մա՛յր» եւ ձայնով նըւագ,
 Եւ կրկին ելնում անքուն վշտահար—
 Ա՛խ, մա՛յր, ի՛նչ անէ որդիդ քեզ համար....

(«Արարատ», 1896, հոկտեմբեր, էջ 456)

